

شریف بنیادی



۹۶۳۳



جگر تے

شرف کنجہای

جلد حقوق محفوظا

مؤلف	شریف کجاری
بار اول	فروری ۱۹۶۵
تعداد	ایک ہزار
مطبع	درسی پرنٹنگ پریس گجرات

پبلشر - محمد یوسف اداره اشاعت ادب گجرات

فہرست

- ۱۔ ورن دابوٹا
- ۲۔ نہ بیبا
- ۳۔ کون ایہ کلکھر چھڑے
- ۴۔ تر بنجن مرج
- ۵۔ ڈوہنگے وہین
- ۶۔ مولا خیر گفدارے
- ۷۔ کوئٹ میرا گھر آیا اے
- ۸۔ میرے بول اوتے
- ۹۔ میٹھا
- ۱۰۔ میاں سیالی راتاں
- ۱۱۔ ادھیک

تسہف

- ۱۲- کھیلے ...
- ۱۳- سوچیاں ...
- ✓ ۱۴- نیکیاں کنڈاں
- ✓ ۱۵- ایندرے
- ۱۶- لہور لہور اسے
- ۱۷- واہگہ پارہ سیندے اک بجن دے ناں
- ۱۸- اک خط
- ۱۹- بھتہ
- ۲۰- نزلہ
- ۲۱- منڈا میرے مان دا
- ۲۲- جھوٹیا جہان دیا ...

- ۲۳- غزل
- ۲۴- گاماں
- ۲۵- امن لئی
- ۲۶- پیڈے
- ۲۷- کاں بولے
- ۲۸- کیوں بولے
- ۲۹- مسافر
- ۳۰- گوریا
- ۳۱- چائنیاں راتاں وچ
- ۳۲- ویرتوں کنجاہ دا ایں
- ۳۳- بنگلے تے مچھیاں

- ۳۴

تیرا پنڈ

- ۳۵

تینوں یاد کراں

- ۳۶

بخت نہ وکڑے مل دے

- ۳۷

پانی بھرن پنہاریاں

فضل حسین دے ناں - !

بہارِ نیاں

”شریف کنجاہی دیاں نظمان دا ایہہ مجموعہ ایسے ناں نال
کچ سال پہلان گورکھی دیاں اکھراں وچ لُصیا نے توں شائع
ہو یا سی۔ آج اسی اوے نوں اردو اکھراں وچ چھاپ رہے
آں تاں جے ایس خطے دے لوک وی پڑھ تک لین، کہ
اونہاں دے وطن دا ایہہ شاعر جگراتے کٹ کٹ کے کی سوچدا
رہیا۔“

”اداکار“

زیادہ ہوندا۔ میرا خیال اسے ایسا احساس اور ہنساںوں اور دل دی ہو دے گاتے آج دی۔
 تھے ایتھوں ای یہ خیال چکروا اسے پیادہ ایس اچی ٹیکری توں تھلے کیوں اتر آئے جد کہ اکثر
 انسان اچی جگہ توں ہو روی اچی جگہ ول جان لئی زور ماردا اسے۔ ایس سوال دے
 جواب نال ای ایس اک ہو روی سوال دا جواب دی ملدا اسے پی شریف کنجا ہی ہو رواں
 توں دکھ ہو رکئی اردو شاعران نے پنجابی وچ شتر کیوں کسے شروع کیلتے۔

وقت دے لحاظ نال ایس سوال دا جواب م اراگست ۱۹۷۱ء دے تھے تھاں
 دے لحاظ نال کوہ ہالیہ توں۔ اس کما ری تک پھیلی ہوئی دھرتی وچوں پنجاں پانیاں دی زمین
 اسے۔۔۔ ہندو بے انت لذت ہوئے یا جان لین والا خطرہ ہو دے اوس ویلے دنیا
 ہر دے انساناں دے موہوں کو جیہاں آوازاں نکھلیاں نیں۔ لذت یا دکھ دی ایسے
 با ایس دے قریبی صورت دے ویلے پیدا ہویاں آوازاں اوہ زبان بندیاں نیں

جیٹری ساڈی رات دن دی زندگی وچ بولی ورتی جاندا اسے۔ ۱۹۷۱ء دا انقلاب ساڈا
 خواہشاں مطابق اک ملک دی دولت دے دھڑے اوہو ادھر کرتے گئے سن۔ ایہناں
 وچ اک بنگال سی تے اک پنجاب۔ دوہاں پنجاہاں وچ جو کجھ ہویا کسے ہو رہے تھے
 نہیں سی ہویا۔ ایس رتورت کیفیت نوں زبان دی صرف پنجاں دیہاواں وچ بولی تے
 سمجھی جان والی مل سکدی سی۔ جس جس تے جو کجھ ہیتی تیس پچھلے پندرہاں سالوں دے
 پاکستانی تے ہندوستانی ادب وچ ویکھ سکدے۔ اوہیو ہڈ ورتی تے پنجاب ورتی
 اتر پردیش دی کتابانی تے مڑاھر راہی۔ شریف کنجا ہی تے دو جیاں نے ایس سانجھی پڑو

کلیجے نال لاسکے دین کیتے تے دھواہ مارے۔

ایہ دین تے دھواہ شریف ہوراں دی پنجابی شاعری دا دھبہ بنے۔ ایس موضوع تے ادھنیاں دیاں تھلاں وچ اترا پرتیم تے احمد راہی والی ہڈورتی نظر نہیں آوندی پر ایتھوں ای اوس ادبی روایت، سوچ تے دھرتی نوں اپناؤن دا آخانہ شریف ہوراں دی شاعری وچ ہندا اے۔ جیہڑی وارث شاہ تے بلجے دی جان سی تے جیہڑی امانت دے طورہ اج سانوں ملی اے۔ مام عودے واقعے (میں تقیم دی گل نہیں کر رہیا۔ دوہاں پنجاباں دچ دگن والی "لہو دی بھری بھناں" دا ذکر کر رہیا ہاں) نوں شریف نے انساناں ی سانجھ تے انساناں دی "نویں دھرم" بارے سوچنا شروع کیتا۔

سوچناں وال دنیا نوں کی وگ گئی اے

اکو جیسی ہر پائے اک مگ گئی اے

لوٹیاں نے داہڈیاں نے جنگ نے فساد نے

بھیرٹیاں پٹیاں مے سبق ہوئے یاد نے

مذہباں دی اک دچ مذہبیاں نوں ساڑنا

تے :-

تیریاں داستر نہ ماواں دا ای بھرم اے

تے :-

وکھری ای کڈھ لئی بندیاں نے دھرم اے

اکو جیسی سبھناں نہیں گھول پی لئی اے

سوچناواں دنیا نوں کی وگ گئی اے

تے ایس سوچ داروپ ”پھل کیوں کنڈھے ہوئے“ ”واہگے پاروسیندے سچ دے
 ناں“ تے ”اک خط“ سزافوس دیاں نظماں وچ موجود اے۔ ”مہم و نئے داہگیوں ایصر
 تے داہگیوں او دھر دس دایاں نوں اک داری فیربندی سوالاں تے سوچن تے اوہناں
 دے جواب لوڑن تے مجبور کرداسی۔ شریف ہوریاں دیاں ایس زمانے دیاں نظماں
 وچ ایہ سوچ مڑ مڑ کے آئی اے تے اپنے نال اپنی دھرتی تے اپنے دسیکاں نوں کدوا
 دی صورت وچ رکھ کے دکھان لگی۔ ایہ سوچ پڑورتی گھٹ اے تے اپنے توں باہر
 اکھاں نال نظر آؤن تے سچاں نال چھوہاں دایاں چیزاں، انساناں تے اوہناں دیاں
 مسئلیاں نال زیادہ تعلق رکھدی اے۔ شید ”ایہناں چیزاں“ دے اپنی ذات تے
 اپنے اندر رکھے ہوئے دکھ توں دکھ ہون دی وجہ کرکے ایہناں شعراں وچ ادناں
 اثر ڈوہنگ تے کشش نہیں جال ادہناں دیاں دوسریاں نظماں وچ اسے جھڑیاں
 ادہناں دے اپنے دکھ تے اپنے سچے جذبات دا اظہار نہیں۔

سوچ دی چھیل وچوں نکلیاں ہویاں نظماں ”بول جوان“ ”ڈوہنگے دھیں“ ”گھانا“
 ”میٹھی“ ”لہور“ ”لہور اے“ ”اسن لئی“ ”پنڈے“ ”گوریا“ ”مولا خیر گزاریے“،
 ”الجزائر“ وغیرہ نہیں۔ ایہناں نظماں وچ کیوں کس طرحاں تے کتے قسم دے
 سوال نہیں تے ادہناں دے کوہڑ۔ مثلاً ”مولا خیر گزاریے“ وچ

جبگاں مڑ چھڑیاں کہ بھڑیاں

توہاں مڑ بھڑیاں کہ بھڑیاں

دور کتے گجھڑے نے جھڑے

آدھ دے جد دیڑھے...

کی ہو دے گا؟ کی کراں گے؟ کی بنے گا؟ کدھر جاں گے؟

دکھاں درواں ماری دنیا ول جد جھاتی پاناں

یا :-

سوچاں مے ڈوہنگے ویہناں وچ رڑھدا گولے کھانا

سکھ دے پینے لے لے کے جاں اکھ اکھڑے تان دنا

اکھو بنجے بہ سوچاں کد پرتن گیاں رتاں

(ڈوہنگے ویہن)

شریف موراں دے لہجے دی ایہ کمزوری سمجھ لویا خوبی پئی ادہ اینہاں سوالاں تے مسئلیاں

نوں اک شریف آدمی وانگوں چک تے لیندے سنہ پر اک جوش جذبہ، کوڑتے اندر دے

ساڑ نال دوسریاں دے سامنے نہیں لیاندے۔ بائیل تے قابیل وچ پہلا قتل کیوں ہويا

سی؟ ایہ ادہ پہلا سوال اسے جیہڑا جن وچ آدے تے دکھ دی ہنیری جھل پیندی اسے تے

جن ویلے کوئی شاعر ایس سوال نوں اپنی زبان اتے لیا دے تاں ضروری اسے پئی ایہ ہنیری

سمن یا پڑھن والیاں نوں اپنے نال اڈا کے لے جاوے۔ اک واری اوہناں دی سُر ت

بھلا دیوے۔ نہ نہ نہیں، اد پنج پنج تے جوڑے نچے ہوں دے مسئلے تے ایہ دے

نال امی "سبھناں دا آدم تے حوا جاپا" ہوں دا تصور۔ یعنی سماجی نا انصافیاں اج

ہر زبان دی شاعری دا موضوع نہیں۔ پر ایس موضوع نوں نہجاو تے طور اطوار تے

رنگ روپ بدل گئے نہیں۔ شریف صاحب نے اس سوال اپنی سوچ سے اپنے شعر و موضوع
 بنائے نہیں تھے اپنی دھرتی دی مٹی و چول اینہاں سوالوں نوں پیدا کیتا اے۔ میرا مطلب اے
 پئی اوہناں اپنے ارد گرد سماجی نا انصافیاں نوں دیکھ کے ایہ نظاں لکھیاں نے۔ پر اینہاں چول
 کئی نظاں ہلکیاں رہ گیاں نہیں۔ جس زمانے وچ ایہ نظاں لکھیاں گیاں سن اوہناں دناں وچ وہ
 کے رپ تے موتی کڈھیاں دی بجائے سجے کوئی ریت تے چکر ڈوی کڈھ لیا خدا سی تعدوں بڑی
 ”واہ دا“ ہونڈی سی۔ شریف کوں تے فیروزی بجلی دانگوں لشکرے تے تلوار دانگوں تیز مصرعے
 نے خیال ہمیں نے۔

حضرت عیسیٰؑ نے آکھیا سی

”میں روح نال وی دعا مگھاں گاتے عقل نال وی دعا مگھاں گاتے روح نال وی گاد
 گاتے عقل نال وی گاد اں گا۔ نہیں تے جے توں روح نال ای حد کر س گاتے ناوا
 بندہ تیری شکر گزاری اتے امین کس طراں آکھے گا“ (در تفسیر ۱۵-۱۶)

شریف ہوراں عقل و تے سوچ نال بد روح نوں وی طایا تے فیروہناں دیاں نظاں دا رنگ رو
 ہو رہو ہونڈا گیا۔ فیروہ پنڈتے شہر دی منڈھلی لڑائی تے اک اینویں جیہی نگر پا کے نظم ہمیں کمنڈے بلکہ اٹل
 حقیقتاں ”دھروں لکھے میکھاں تے بندے دیاں زلی مجوریاں نوں موضوع بنا کے پنجابی دی ادبی
 روایت نوں سامنے رکھ کے سوچ تے بندے دے تو لوں مال میل نال نظم لکھدے نہیں۔

مٹی دھرتی کے چک پھیرے

کے وگ سیالان دے پھیرے

جہدوں بخت نہ ہوں چگیرے
 ماہ نیکیاں جاہلیاں بھل دے
 کہتے بخت نہ دیکھسے دل دے

ایہ چھانواں سدا نہ رہیں

یا:-

رہے سدا ادس داناں
 ایسے رب سبے گوریے
 آنکھیں ایسے گراں
 کس پچے پا کے بیٹھنا
 ایہ دنیا اک سداں
 تیرے جوہن وانگر گوریے
 ایسے کلی مسافر ماں

گوری نال ایناں سدھاتے صاف خطاب شریف ہوراں دی شاعری وچ نہیں ملدا۔ اوہناں
 دے گیتاں تے نظماں وچ عشق دا اک پرچھانواں تے ضرور اسے کدے کدے ایہ پرچھانواں بڑا
 سنگھناں تے گوہڑاوی ہوجاندا اسے پر بنیادی طور تے ادہناں دا عشق سماج توں منظور ہویا
 ہویا عشق لگدا اسے۔ ادہناں دی محبوب وراگ یا وصال دوناں صورتاں وچ اپنے "خاوند" نوں
 خطاب کردی نظر آوندی اسے سائیتھے رنج لگدا اسے پئی شریف ہوراں نے ایسے سلسلے وچ
 سماج دیاں مقرر کیتیاں جوہریاں اخلاقی حدوں قبول کر لیا اسے نہیں تاں اوہ بال ناخود

چیلے میاں راجھے باسے اکیج کیوں آکھدے :-

اوسے گھر دیاں کڑیاں کڈھاں اوتھے اکی سنجہ ماراں

رناں دے جے اک کر کے سرتوں پیراں تائیں

وار و داری چکے لے لے کراں میں صفت ثنائیں

تاں تے مینوں چکا جانو میریاں داراں گادو !

”ماں بیا“ ”کون ایہ کھکھر چیرے“ ”کونت میرا گھر آیا“ ”تیاں سیالی راتاں“ تے

”اڈیک“ ”اوہ نظاں نیں جہاں وچ اک ویارہی دی زنانی لام تے گئے دے وچھوڑے دا

حال سناندی اسے تے خاوند دا انتظار کردی اسے۔ ایہ کوئی الزام والی گل نہیں۔ ایہ نظاں

اپنی تھاں بڑیاں سرہنیاں نظاں نیں۔ ایناں دے حوالے توں ایہ مقصود سی پئی شریف جوداں

دا عشق ساچ دیاں خداں دے وچ رہ کے اکی نظم بن سکدا اسے۔ ایناں نظاں وچ اک اپنا دکھ

تے وک گیتاں ورکاں اے تے ایس جذبے دے آثار دا مقصد پورا ہو جاندا اسے۔

آٹھ دھناں گواہنڈناں تے سبھاں نوں شنگار کے

سوندیاں نے روز محل دکر لئی مار کے

ساڈے ہیٹھ کدوں تائیں منجیاں الائیئیاں

پیاں پیاں ہون پیاں

راج دیاں ریشمی رضائیاں وی برائیاں

ارد گرد دے لوکاں، رشتہ داراں تے دوستاں دے وجود خیال تھے گلاں مال وی

انسان زندگی دانشور آپ حاصل کر دے تے دو جیاں نوں دیندا اے، پنجابی زبان ایس
 پاروں بڑی کمال شے اے پئی نکیاں نکیاں چیزاں تے نئے نئے لوکاں دے ذکر نال ایہدے
 وچ دل کچھیں شعر بن جاندا اے۔ تے فیرا یہ شعر ادہ فرض پورا کر دے نے جنہوں مہذب
 زبانوں والے "شاعری دی سماجی مقصدیت" واناں دیندے نہیں۔ شریف ہوراں دیاں
 نظماں "۔ دیر توں کنجاہ دا ایں"۔ "ہور نہ دے پن ہیرا"۔ "کی دساں"۔ "تے کھیڈے"
 ایسے قسم دیاں چیزاں نہیں دے وچ اک پورا پن دھی نوں آوٹن والے انجانے زمانے
 دے بے انت دکھ نوں اج دے بھولنے نال ملا کے پیش کر دے۔

کھیڈے میریے بھولیے دھیے کھیڈے گڈیاں نال
 اپنیاں منداں اڑیاں منوالے چار دھارے
 تیرا راہ مل بیٹھے ہوئے نے کھنہ وخت پوارے
 کئے دکھ جنھال

کھیڈے کھیڈے چھیتی چھیتی کھیڈے گڈیاں نال
 کوئی کسے دی سندا ناہیں۔ ایہتے کوک روال
 انے راجے دی نگری انج ہر کوئی کتوال
 دھیل دے ایہ چار دھارے کھیڈے گڈیاں نال

ایس نظم وچ مینوں ادہ روایت ادہ دھرتی تے ادہ سوچ نظر آؤندی اے جدھیاں
 شروع وچ ذکر کیتا سی تے شریف ہوراں دی جند جان ایہ چیزاں نہیں۔ تے ایہتے ای مینوں ادہ

”گنواں“ دی نظر آؤندے نے جیہڑے نکی جی کڑی نوں گڈیاں نہیں کھيڈن دیندے۔
 جیہڑے سینے تے تھے لاکے لوکاں سامنے آؤندے نہیں تے ”ادبی پنجابی“ ناں اپنا پیار
 جتان دے نیں۔ پر جہاں نوں اپنی خبر نہیں۔ پئی اوہناں دے اک سامتی (سزینف کجھای)
 نے جد اپنی زبان وچ شاعری کیتی تے اوہنوں اپنی کتاب چھپاؤں لئی اپنے ملک
 وچ کوئی اجیہا ”پنجابی پیارا“ نظر نہ آیا جیہڑا اوہنوں چھاپ دا۔ ایس گھردی دولت
 نوں سانجھ کے رکھدا تے اچ تے کل دیاں نسلاں واسطے خروج کردا۔

شاید ایہ گل کہن دا ایہ موقع نہیں ہووے گا۔ پر جد کہ مینوں شریف موریاں
 دی گورکھی وچ لکھیاں پچھی ہوئی کتاب پڑھنی پئی تے مینوں شریف صاحب دی
 گڈیاں کھيڈن والی دھی دا خیال آیا جیہڑی اپنے بارے لکھی ہوئی نظم نوں ایس واسطے
 نہیں پڑھ سکدی پئی اوہدے ملک وچ ادبی زبان دی بڑی قدر ہوندی اے۔

(پنجابی گروپ لاہور وچ پڑھیا گیا)

“وَن دَا بُوٹَا”

میں وَن دَا سَنگھنَا بُوٹَا
ٹھنڈیاں میریاں پھانواں
مٹھیاں میریاں پریلوں
وے توں راہیا بماندیا
بھگھن بمانیاں ماندیا

آ جا جھٹ گھسائے

میریاں پسلوں کھلے

میری چھانویں بہ لے

میں وں داسنگھنا بڑا

ٹھنڈیاں میریاں چھانول

کی ہو یا پنڈھ سارا اگے

کی ہو یا دن سرتوں ڈھلیا

رجیوں پنڈا ڈوہنگا، نیا

پر رنج دھپے سٹریاں

دھدل چھکیاں

کج نہیں بند

اوہو جھٹ سہانے
جمیڑے چھانواں مہیٹھ وٹانے
ایہ چھانواں دی چار دہاڑے

چار دہاڑے جو بن
مڑپتراں نے بھڑٹناں
اج آکے بہ لے تھلے
میں ون دا بوٹا سنگھنا
ٹھنڈیاں میراں چھانواں !!



”نہ بیبا“

کی ہن فیر پریتاں پائیے؛

فیر آساں نوں پانی لائیے؛

فیر آپے وچ رل رل جائیے؛

نہ بیبا ہن میں نہیں اپنے جوگی

ہن نہیں اہناں ڈوہنگیاں پٹیہیاں مے وچ ڈٹنے جوگی

ہن نہیں اہناں بلدیاں اکاں مے وچ سٹرنے جوگی

ہن نہیں اپنی مور کھ

اپنی گلکھاں دی کھی نوں آپ چواتی لاواں

پشتلیاں گلاں کاہنوں چھڑیں
 کھینوں وچوں لیراں کھلن
 تیریاں کیتیاں یاد نے مینوں
 بھلداں بھلداں بھلن
 جد ہن دلوں مکانی اڑیا
 کی مڑ کرنی سُننی !
 جھٹا راہ ہن کاہنوں کچھے
 پنڈ نہیں جد جانا
 بھٹ نوں بھارے سٹنا ہووے
 پہلاں کاہنوں چانا

نہ بیبا ہن میں نہیں اینے جوگی !!

کون ایہ کھکھڑ چھڑے

کاہنوں راہ جاندی فوٹ تکیں

کاہنوں آساں لائیں

گلیاں پیا گھسائیں

پھیرے پایا تھکیں

توں سوہنا

توں کرماں بھاگاں والا

توں اُچیاں جاگاں والا

چنوں ودھ کے روپ تیرے تے میں جاناں میں مناں

چرخے کتدیاں کتدیاں کردیاں گلاں تیریاں رنّاں

دل تے میرا وی کر دے تینوں ای پئی تکاں

نہ تھکاں نہ اکاں
پر اڑیا ایس دنیا دے وچ پیار کمانا اوکھا
چھپ چھپ ملنا
مل مل چھپنا
تمکنا تے نہ تمکنا

گل کر دیاں وی جھکنا
سٹرویاں رہنا کڑھیاں رہنا مونہوں بول نہ سکنا
کون ایہہ گل سیا پے پائے
ہاسے کھڈے روگ لوائلے
کون ایہہ پٹنے آپ سہیڑے
کون ایہہ کھکھر چھیرے !!

”ترنجن وچ“

ترنجن وچ چرخہ ڈاہ کے

ماہیا وے ماہیا

ہن کڑیاں کردیاں گلاں

مینوں سجھے کردیاں ٹوکاں

میں گلن انہاں نوں روکاں

اوہ گجیاں رمرزاں مارن

گھڑیاں نوں ڈوہن تارن

سو مہنی دے قصے چھپیٹن

سی دیاں گاون جھوکاں

میں لکھن انہاں نوں روکاں

سجنا وے سجنا

لگیاں نوں اوکھا کجنا

اک دن سی گھاگے بھجنا

میں کس کس توں منہ موڑاں

کس کس ناں ملنا چھوڑاں

مینوں جگ دے مہنے چننا

ترنجن وچ چرخہ ڈاہ کے

ہن گلاں کرویاں رتاں !!

دُونکے دھین

دُکھاں درداں ماری دنیسا دل جد بھاتی پاناں
سوچاں دے دُونکے دھیناں مے وچ ڈوبناں گوتے کھانا
اچی داخ دکھاں دا دارو تک تک کے للچاواں
تھوہ کوڑی دی آکھ نہ سرکاں کیٹرے پاسے جاواں
جیلے چارے کردیاں دی کج پیندا نہ پڑے پتے
نہ کردیاں دی گل نہ بندی روگ نہ جانے جھلے

چھتھاپے مہاراں ہتھوں سٹ سٹ کے بہ جانا
دکھاں درداں ماری دنیا ول جد جھاتی پاناں
رشی مٹی اوتار پیغمبر لکھاں ہور سیاں
ودھ تول وودھ سچیلے

دنیا اتے آئے
ایس جیون دے کسے نہ روگ گوائے
اوہو اقوال اوہو ابندے
لو بھ ہنکاراں پٹے
موہ مایا دے پھٹے

گلے کھتے اج وی اوہو ڈانگو ڈانگی ہونا
سُخ دے سفنے لے لے کے جاں اکھ اگڑے تاں رونا

اکل واسنجے بہ بہ سوچاں کد پر تن گیاں مڑتاں
 اچے تے چار چو فیرے تہاں او ہو لٹ گھڑتاں
 او ہوا بگلے بھگتاں دا، ندیاں تے ڈیرا لاناں
 او ہوا بھولیاں مچھیاں دا بھوں بھوں کے دھوکھا کھانا
 دکھاں درداں مارمی دنیا دل جد بھاتی پاناں
 سوچاں دے دڑہنگے وہیناں مے دج
 وڈناں گو تے کھاناں



”مولا خیر کذا ہے“

جنگاں مڑ چھڑیاں کہ چھڑیاں

قوماں مڑ بھڑیاں کہ بھڑیاں

دور کہتے گجدے نے جہڑے

آؤتے جد دیہڑے

کی ہووے وا

کی بنے وا

کی کراں گے
کدھر جانہ گے
گھل مل آئے چار چوہیرے بدل جدول سواہرے
مولا خیر گزارے

دل آکھے ایہہ وسدی دنیا
ہس دیاں رسدیاں افسانیاں دیاں نسلاں
سوہنے سوہنے کھڑے کھڑے جیہے کھڑے پیارے پیارے
رب جنہاں نہیں سب تہیں چنکا سب تہیں سوہنا آپے آکھ کپارے
کی ایہہ آپو وچ اہی لڑکے مرجاؤن گے سارے؟
مولا خیر گزارے

دل آکھے ایہ نِسریاں کٹکال
 پکیاں ہو یاں فصلداں
 تیویاں جہناں کولوں
 منگن روپ ادھارے
 مڑساؤنی دیاں کٹکال
 سروں سروں دمی اچھے ٹانڈے
 لچک لچک کے سرواں نوں شرماندے
 آسے پائے لگیاں ہو یاں گٹھ گٹھ نالوں لمیاں چھلیاں
 ڈھاکے لاکے بال ایاں ہون جویں ٹیاراں کھلیاں
 کی ایہناں تے اسماناں توں دس گے انگیارے؟
 مولا خیر گزارے

میں سوچاں ایہناں دے وچوں دانہ نہیں اوہناں جو گما
جہناں

جھٹ مار دیاں دھپیاں

پوہ مانگھ دے پالے

اپنے سرتے جالے

رتاں مڑھکے بن بن چوئیاں

مڑھکے نہراں بن بن وگے

تاں ایہہ فصلاں ہوئیاں

تاں ایہ بوٹے لگے

اج ایہناں دا اک اک سٹہ اک اک تیلہ

سپاں دیاں جھیمجاں بن بن آوے

شوگ شوگ کے پیادے اورے

میں سوچاں ایناں واسانوں کی ریح کی چا
کی ایناں وانا

ایہ ساڑے کس کارے

مڑ دی خبرے کیٹھی گلے لگن پئے پیارے

بیہون جو گے دیس دے مترے دی نظارے

تے میراں ہوٹھاں چون نکلن لفظ ایہ آپ مہارے

شالا وورہ ہن ایناں توں بلی دے لشکارے



کونت میرا کھرا آیا

میں چائیں چائیں دھواں پشاکاں اپنے کونت دیاں
بھلک بھلک کے
تھلک تھلک کے

ست کم چھڈ کے دھواں پشاکاں اپنے کونت دیاں
بھلکے اوہ ایہہ کپڑے پا کے
بودے واہ کے

مینوں ہس ہس دتے گا
آساں دی پنکری پیلی تے خوشیاں ابدل دتے گا
میں جم جم پئی بلہاراں دی

وچ وچ جندڑی ماراں دی

میں چائیں چائیں دھواں پشاکاں اپنے کونت دیا

اوہ چو نہ دناں دی چھٹی لے کے رب رب کیتا آیا لے

میں چھٹیاں لکھ لکھ تھکی ساں

میں اوسیاں پایا اگی ساں

جندڑا ہڈی ہٹری رہندی سی

ایہ کلی وڈھن پندی سی

اک سوڑ دے وچ رہندی سی

سی
لاماں دیاں گلاں سن سن کے دل کھوہ وچ پے پے جانا

ہن ب ب کیتا چھٹی لے کے کونت میرا گھر آیا لے

میں چائیں چائیں دھواں پشاکاں اپنے کونت دیاں

میرے بول اوتے

اج میں بھیڑا اج میں جھوٹا میرے بول اوتے

چنگ تھادی تھی وکدا سچ تھادے پتے

اج دی جے میں اکھ ملکے دے ای گیت سناو

بال نامتھ دے چیلے والی تھال تھال ناد مجاوا

تھیاں دے وچ رانجھا بن بن جس گھر وقت گزارا

اوے گھرویاں کڑیاں کڈھاں افٹھے ای سنجھ مارا

رناں دی جے اک اک کر کے سرتوں پیراں تائیں

وار و واری چکے لے لے کراں میں صفت شنایاں

تاں تے مینوں چنگیاں جانو میریاں وار ال گاؤ

میرے اک اک مصرعے اتے رالاں پئے وگاؤ
 جے میں اکھاں ایسے تسیں ہاں اک آدمی جئے
 کیوں مڑاک وگاڑاں کٹے تے اک وہیلیاں کھا
 جے میں اکھاں دنیا اتے بے گھر کوئی نہ ہووے
 جے میں اکھاں بڑھے ویلے ٹوکرہ کوئی نہ ڈھوے
 جے میں اکھاں مسالوئاں ساے رل کے کھائے
 اک دو جے دیاں بانہواں بنے تالے بھارو نہائے
 جے میں اکھاں جھگڑیاں الیاں ساریاں مسلاں ٹھہرے
 مار مکاؤ وگاڑاں دے درج نہ ہنہے نہ کھپے
 تاں میں بھیڑاتاں میں جھوٹھا میرے بول اوتے
 چنگ تھادی ہٹی وکدا، سچ تھادی پتے

مہیٹ

صحت نال جہان دے کم چلے دے صحت باجہ نہ کچھ دی کار ہووے
 اے پراو سد می صحت کی رہ سکدی جیہڑا ٹکڑوں می او انداز ہووے
 دن چٹھے تے ٹوکری ڈھون لگے شامی چھلڑے وارو وار ہووے
 آوے گھر تے کھان فوں کی لہے اکھی ہوئی تے نال اچار ہووے

ایہناں پشیاں نال ایہہ آپ سوچو
 فیلسوفیاں کرے کہ ڈنگ ٹورے
 انہنی قورے اوہدے نصیب کتھے
 اپنی رت پیوے، اپنے ہڈ کھولے
 تیس چ کتاباں ہزار لکھو "لو کو دودھ پیو لو کو پھل کھاؤ"
 ہفتہ صحت منان نوں ٹیڈیوتے لکھ وارو ہائیاں پئے پاؤ
 ڈامین وٹین دیاں گتھکاں نال کالے ورقیاں تے ورقے کر جیؤ
 جھکے بھانگرے پاؤندی کیوں جگتے سوچو کسے نہ ایس تے چت لاؤ
 متاں ہووے جے نیند حرام اپنی
 ایس گل دے مول نہ جادو نیڑے
 راسخے رہن دیو مجھیں چاہنے نوں

ہیراں لے جاؤ ڈولیاں پا کھڑے

پر ایہ سمجھ لو کہ ہے جہان اتے گڈیاں چڑھ کے نہیں آسمان رہیاں
لیکے پور می چرکلی نور مڑ می آساں تکیاں نے تھلے آن پیاں
ٹنڈاں کھو دیاں الا معاملہ اے بھریاں حلفے اوکڑوں تیک رہیاں
کدی گل جے ہن نہیں جرن جو گے بڑا چر جریاں بڑا چر سہیاں

کدوں تیک سوار و سوار چلسی

اوڑک پہنٹھلی اتے دی آدنی ایں

اساں مٹاں مے ہوئے دیندیاں نے

مہیٹ لے کے کھنڈ مکاو فی ایں



”لمیاں سیالی راتاں“

لمیاں سیالی راتاں کٹیاں نہ جانڈیاں
شوگدیاں

شاں شاں کر کے ڈر اندیاں

بیٹھی بیٹھی اپنے امی نال دکھ پئی پھولاں

صبر دے کٹوڑے بھراں

بھر بھر پئی ڈوہلاں

چند ریاں سوچاں دیاں گنڈھاں بن بنھ کھولاں

کراں میں ہزار چارے

کسے طراں پینڈے ایہ دلیلاں والے مک جان

چنتا دے کھو بے کدے سک جان
 کدے دوا ہواں چرخا اٹیراں کدے چھلیاں
 ڈولی ہوئی جندڑی نوں ہون نہ تسلیاں
 اونسیاں میں پاندی تھکی
 کانواں نوں اڈاندی تھکی
 چٹھیاں دے وچ سارا حال سناندی تھکی
 خطاں وچ کدے دل پاکے جے گھلے جان دے
 آپے وکھ لیند دل میرے باب جو وچھوڑے کیتی
 جو جو میرے نال بیٹی
 ایدا دل پکا کیتا کیہڑی گلے ہانیاں
 اسال ایہ جدا یاں کدول تیکن ہنڈانیاں

آئندہ گوانڈناں نے سیجاں نوں سنگار کے
 سوندیاں نے روز گلو کڑیاں مار کے
 ساڈے ہٹیٹھ کدوں تائیں منجیاں الانیاں
 پیاں پیاں ہوں پیاں
 داج دیاں ریشمی رضائیاں دی پرانیاں
 موڑ چا ہماراں ہن ہو رہے تیسے دیہ
 ایہو جیہاں کھٹیاں دے سرے وچ پئی کھئیہ
 ایس بھکھے چنگے بیار جتنے دی لوڑ نہیں
 ایستھے دی رب اوہو اسانوں رزقے دی تھوڑ نہیں
 کٹیاں نہ جانڈیاں نے لمیاں سیالی راتاں
 دساں کی جو ہوندیاں نے دل نال وار داتاں !!

”اُٹک“

اچ تک مینوں یاد ہے تیرا ملنا جاندی واری
 اکھ وچ رسکاں دل وچ رسکاں لہجی وچ رسکاں
 لا لالکیاں مے نال بلکیاں ہکاں مے نال ہکاں
 لام تے تیرے جاندی ماری جی ونڈیاں سن بھولا

دو دلاں سے جذبے دی اوہ سوڑا وہ آپ مہاری

اج تک ٹینوں یاد ہے تیرا ملنا جاندی واری
ڈوہنگے راہ لے لے کے تے اکھیاں وچ اکھیا پانا

اکھیاں وچ اکھیاں پاپا کے تاہنگاں نوں ہو رہا جگانا
کے خیالوں کمب کے میرا پلکاں نوں جھبکانا

نیکے نیکے ہٹکورے بھر بھر دسنی بے قراری

اج تک ٹینوں یاد ہے تیرا ملنا جاندی واری
گل لگ لگ کے دیا ہونا رہ کے گل لگنا

دل دیاں دل وچ رہیاں داماڑ بنجو بن بن گنا
آپے وچ تسلیاں سے سے ہتھوں ہو روی ٹھگنا

رب حوائے اک دو جے نوں کرنا واری واری

ارج تک مینوں یاد ہے تیرا ملنا جاندی واری
 سنیا مک گئے ہن پنڈے سنیاٹ گیاں ہن لاما
 آما ہی جھب آ، میں بنیاں ہو یاں کئی سلا ماں
 نین پکالے تیرا اقلک تک کے اسان غلاما
 آہن بوہڑ کتوں میں اگے ڈٹھی بہت لچاری
 آما ہی ہن بھاری لگدی اوہ برہ دی کھاری
 جیہڑی رکھ گیا سیس میرے سرتے جاندی واری



”کھیلے“

کھیلے میرے بھولے دھیسے

کھیلے گڈیاں نال

اپنیاں خنداں اڑیاں وی منوائے چار دہاڑے

تیرا راہ مل بیٹھے ہوئے نے کنیس دخت پوڑے

کنے دکھ جنجال

کھیلے کھیلے چھیتی چھیتی کھیلے گڈیاں نال

وگدیاں نے اس مجوہ وچ دھبے تیتیاں تیتیاں لوآں
 مینوں ڈرے تیریاں ہاسیاں جھدے امی جھوں جاناں
 اکھ اگیڑنوں پہلاں تیریاں سدھراں نے سوں جاناں
 کھکھر وانگوں چھڑکے تینوں وختاں کھوہ کھوہ کھاناں
 اک دو ہون تے دساں سچھاں کیٹری کیٹری پھول
 کوئی کے دی سند انہیں ایٹھے کوک روال
 انھے راجے دی نگری انج ہر کوئی کتوال
 دہلک دے ایہ چار دہارے کھڈے گڈیاں ناں
 عورت ذات — ایہ جیون پنیڈا
 تھاں تھاں بے ٹوئے
 تھاں تھاں کنڈے بیجے ہوئے

تیری بے فکری دے لیرے ہوسن لیراں لیراں

پر اوہ ویلا جداؤنا ایں آجاتا ایں

اج کیوں خپتا کرے

اج کیوں ہو کے بھرے

خورے اوس ویلے نوں ساڈیاں پر تن چا تقدیراں

بدلن جیون چالے

اس کر کے

توں لمیاں سوچاں لالنجھے دھر کے

کھڈے میرے بھولے دھیسے

کھڈے گڈیاں نال



”سوچناں“

سوچناں واں دنیا نوں کھی دک گئی اے
اکو جیہی ہر پاسے اک لک گئی اے
لوٹیاں نے واہڑیاں نے دنگے نے فساد نے
بھیر دیاں پٹیاں دے سبق ہوئے یاد نے

بڑھیاں نوں مارنا

بچیاں نوں نیزے اتے چاہڑنا

بھولے بھا جانڈیاں دا

چھریاں دے نال ڈھڈ پاڑنا

کلیاں نوں چھوک کے تے دسدے اجاڑنا

مذہباں دی اک وچ مذہبیاں نوں ساڑنا

سوچناں آں ہر کوئی دھیاں بھیناں والا اے

دھیاں بھیناں دا امی ہر پاسیوں مکالا اے

میری اے کہ تیری اے دھی مڑ دھی اے

دھیاں وچ دسو خاں نکھیڑ بھلا کی اے

دھیاں دے پے ننگ لہن کھی جھل پی اے

سوچیاں آں دنیا نوں کھی وگ گئی اے
 ہانیاں دا درد اے نہ وڈیاں دی شرم اے
 نڈھیاں تے مہر اے نہ نڈھیاں تے کرم اے
 یتویاں دا ستر اے نہ مانواں دا ای بھرم اے
 دکھرا ای کڈھ لیا بندیاں نے دھرم اے
 اکو جی سبھناں نے گھول پی لئی اے
 سوچیاں آں دنیا نوں کھی وگ گئی اے

”تنگیاں کنڈاں“

کسے دلاں وچ اڑچ پے نے کھیاں پیاں گنڈھاں
نہواں نالوں باس نکھیڑا کر آڈیاں دنڈاں
خیری مہری وسدے رسدے پتہ نہیں کی ورتی
لہو دلو دناں وچ ہوئی پھلاں ورگی دھرتی
بھائیاں نالوں بھائی اوڑک وکھرے ہوندے آئے
ایہ کوئی ایڈی گل نہیں سی جس سپا پے پائے
اک توئی تے جے سدا می مال جائے رل بہندے
کوئی ایہ کھلی دنیا و سدی کوں نگر ایہ پندے

باندہ ساہن پیروند اوے جو لبھنا سی لبھا
 سجادس کے ڈاہڈا اوہناں ماریا سانوں کبھا
 اج گڑ لانے والے ہو گئے گڑ لاکے اک پاسے
 اکناں چھویاں لب کرایاں اکناں پھڑے گنڈا سے
 بلھے شاہ فرید ہوراں جیہے جس دھرتی تے دستے
 نامک ورگیاں سنتاں جتھے راہ ملاپے دسے
 او تھے لوتی لانے والیاں اج لوتی لانی
 تانے پیٹے والیاں تنڈاں "توں توں" نوں سنائی
 اپنی مٹھیں اپنے منہ تے مارن لگ پئے چنڈاں
 بھائی بھائیاں نالوں رے سنگیاں ہونیاں کنڈاں
 تانے پیٹے اکوروں، جدھر دیکھاں توئیں توں

”انیدرے“

اکھاں وچوں نیندر ساج کتھے ٹر گئی اے
پلکاں نے جویں جڑ بہن دیاں سواں پالٹیاں نے
کھتیاں وی کتھوں ٹر کے کتھے آگیاں نے
تارے کیہڑے ویلے دے پئے اکھاں جھجکاں دے نے
اک اک کر کے پئے کئی سوں دے جاندے نے

نال دیاں کوٹھیاں تے سب مُتے ہوئے نے
 زندگی دا دا جویں سب جتے ہوئے نے
 کہے بے فکر پے ماروے گھراڑے نے
 ساڈے پلسیٹیاں نے مور پے داہڑے نے
 زندگی دہی رات انجے کچھ لنگھ گئی اے
 پتہ نہیں باقی جیٹری ہے کیہو جی اے
 لنگھی ہوئی درچوں وی انیندرے امی یاد نے
 اکھیاں دے دیں جگر اتے آباو نے
 نیندراں تے پتہ نہیں کتھے ٹر گیاں نے
 ساڈے بھاکچیاں ابا سیال امی پیاں نے



”لہور لہور اے“

ادھی راتیں ایس ویلے ڈھا کئے ماری اے
اہ نے بھانویں جنتے دامنڈ امر گیا اے
انج تے وچار اچھکا ہویا اے ہمیشہ واسطے
زندگی دے دکھاں توں کنار اکر گیا اے
روگ ایہ روگ کوئی جان والا نہیں سی
سوچنا اک ہن بڈھی ماں کی کرے گی
کیٹھی آس جیوے گی تے کیٹھے حال مرے گی

زندگی دے ڈنگ وی رکایاں نہیں مکدے
کدیاں دے مارے کھوبے
آپ تے رکایاں نہیں سکدے



پنڈ سارا جاندا اسے جیہڑے حال اوہس نے
بدھیے وج

جفر جال جال کے تے منڈے نوں پڑھایا سی
فیر کئے دختاں تے کھیچاں دے نال ادھنوں نوکر کرایا سی
سہرے گانے بھنے

جدوں ڈوولی لے کے آیا سی
کئے ایس جنتے نوں چارمان سن

بڑھی جیسی جند سی تے سدھراں جوان سن
 پتہ نہیں سی پکیاں تے گڑے پے جانڈے نے
 رحمتاں دے بدلاں چ کوٹھے دھے جانڈے نے
 اج پئی بیٹھ کے تے روندی اے نصیبیاں نوں
 خوشیاں نہ پچدیاں ڈٹھیاں غریباں نوں



مینوں ڈاٹھایا د اے
 سنے نو نہ لہو رجدوں پت کول گئی سی
 چڑھی گھر، عجیب گھر
 ملکہ دابت نلے داتا صاحب تکیا
 ادہ کیہڑی تھاں سی

بیٹری مچلی رہی سی

نت ایہو کار سی

منڈا بڑا ساؤ سی

بتری چوں کدھی ہوئی ہر گل منن نوں تیار سی

لہور لہور اے

نونہ سس کول جدوں بھیڈاتے آہندا سی

اوہدا بڑا شکر اے - بے

پنڈ ویاں پھستیاں چوں ایستھے ٹرائے آں

چلو کی ہویا بھانویں سوڑا امی مکان اے

نخیرا ذرا ہے - پر

بجلی دے بٹن وچ چاننے دی جان اے

بھادروں ج پتہ اے جو پنڈ حال ہندا اے
ہر کوئی پتہ تمہوں پنڈ اپنا کھوندا اے
ایتھے پکھے چلدے نے شان جیہی شان اے
رہا تیرا شکر جھنے ایتھے لے آندا اے
تاہیں پتہ لگا جدوں

اک دن گھر آکے آہندا اے
اج میرا پنڈ کج ماندا اے
اوس دن منجی تے اجیہا پایا فیر نہیں اٹھیا
جھوٹا ہوا جھوٹے چاننے دا مٹھیا



واہلہ پاروسینداک سچ بن دجناں

مڑ آج آئی یاد کسے دی

آئی یاد کسے دی

لوں لوں دے وچ دھانی یاد کسے دی

آئی یاد کسے دی

یاد کسے دی نہ اس دے دی

ایسے راسوں دنگ ہوئی سی ننگ کسے دی

ایسے لشکوں مڑ آج تر گئی

ڈبی ہوئی راس کے دی

راس کے دی یاد کے دی



دچھڑے سجن جد یاد آون

اکھ وچ اتھرو پھیرے پاون

ہر اتھروں دے شیش محل وچ

دسن تانہنگاں ڈکیاں ہونیاں

قیداں کٹ کٹ تھکیاں ہونیاں

اودر نیویں پے ترے لیندے

کا ہلاں کر دے سوڑے پیندے

اہناں کا ہلاں سوڑاں مٹھوں

اکھ جھکن وج

شیش محل پے ڈھیندے

سُجیاں اکھیاں

سُجیاں پلکاں

پلکاں دے وج رت دیاں ڈرکاں

بلدے ہاوے

ٹھنڈے ہو کے

اک مک ہوندے ہاڑتے ساون

دچھڑے سجن جد یاد آون

مڑاج آئی یاد کسے دی

آئی یاد کسے دی !!

”اک خط“

کیسے تساں دل پکے کیتے کیسے تساں چت چائے
کدھی نہ لئی جے وات اساڈی
نہ کوئی سکھ سینہا

تساں ایہ چپ دار و نہ دکھیا دسو کیوں اجہا
تسیں اساڈے من وچ و سوا یس نہ چھیتے آئے
کیسے تساں دل پکے کیتے کیسے تساں چت چائے



ایہ چتر دیاں کھلیاں رتاں تے ایہ چن دیاں رتاں

کئی واری بہ بہ کٹیاں کر کر گلاں باتاں

دل بھیڑے نوں اوہو سہ حراج و می پئی تائے
ایہ مٹیرا نہاں نوں ڈھونڈے جہڑے وقت و ہائے

کیسے تساں دل پکے کیتے کیسے تساں چت چائے
کی ہن چو کھے پا بیٹھے او اپنے گل گلاں نوں

اوہ و ہلک دیاں رتیاں لدیاں ڈھل گئے اوہ پرچا نوں

کس دی کندھ اتے آخر آئے نہیں پلانے

دنیا دے جنجالاں دلوں اسیں شیں آں سانوں

ایناں وی کی ہو دے سجن سجن نوں بھل جاوے

دیس پرانے کی جا بیٹھے بن گئے آپ پرانے

کیسے تساں دل پکے کیتے کیسے تساں چت چائے

”بھت“

وِغیاں دے وِچ کھلری ہوئی

نالیاں کن کے بیجی ہوئی

ٹکال کنک دکھاوے

وِچ وِچالے

رُت دی رانی سرِ میوں

پیلے پیلے پھلاں تھلے پتر ساوے ساوے

کی دساں کہی سوہنی لگے
کیڈی من نوں بھاوے
جیوں کوئی گدا پاوے

لم سلیمیاں پللیاں دے وچ سدھے پدھرے بنے
مانگ کسے ٹیار دی پئی بھول بھول چیتے آوے
اوہ دیکھو خاں راہے راہے سرتے بھتہ چاکے

کون پئی اسے جاندی

لیندی جس پھلاں دی

من دے آپ مہارے جیسے کسے جذبے دے دس ہو کے

بھٹ دا بھٹ کھلو کے

پیراگاں نوں چاندی

نہ انج پیڈ اکھوٹا ہووے رکھاوی نہ لگے
 اس بھتے نے پچا ایں اے کیناں پللیاں اگے
 جتھے ایس وے دیور جیٹھ تے کورت نے گوڈمی لگے
 دھن شاوا دھن شاوا تیرے سکھر سیانے جٹے
 تیرے جیون چالے مینوں اوہناں توں ودھ جاندے
 جیٹھے سرتے بھتے چاکے
 راہ دیاں جو بن جوتاں کو لوں اکھ بچاکے
 دغ تغ کر دے جاندے
 یاں مٹا انج اوہناں وچ رجھے
 منزل تیک نہ پچھے

”نزلہ“

سروں لاه کے

لاری دے وچ بیٹھا ہویا

منڈھی ساں پیا جاندا

لانجھے کر کے بیٹھی ہوئی سی اک ٹیار سوانی

چنگی ٹھکی ٹھکی

عمر اس دمی میں کتنی دساں
 سروں دھلن دے آہراں وچ سی اس دمی سحر جوانی
 آکھن لگی

ایسے عمرے ویرا تیرے والال دا ایہ رولا
 شہرماں نوں خوشبوئی تیکلاں چوں پتہ نہیں کی لہجہ
 ایسے کر کے عمروں پہلاں چٹا جھٹا سبھ دا
 میں کج بھیپ گیا پر اکوں گل ولاندیاں کہیا
 ”بھینے ایہ نزلے دیاں ماراں نے سر چڑھیاں ہونیاں“
 ہو رہیں آکھ و می کی سکد اساں اُن فٹھے انجاناں اگے
 محرم نال تے دکھ سکھ کر داہر کوئی سوہنا لگے
 اپنی کیوں لہانی کر داکیوں میں ہینا ہوندا

پھٹاں اتوں پھاہے لاه کے اوہدے اگے روند
 آہندا میں جیون دے تھل وچ بھیل بھوسے کھاناں
 سوہنی وانگوں شوہ دریا میں کچے گھرے تراناں
 بھے ویلے ایہو اچتا غرضاں ٹردیاں جاو
 اینناں چیتاں وچ امی میریاں ہڈیاں کھردیاں جاو
 ہڈیاں دی ایہ کھورامی آخر نزہ بن بن وگے
 کمالے وال سرے مے ہوندے جانے دھولے سگے



گیت

منڈا میرے مان دا
مونھ چت لگدا تے نائے خاندان دا
گلاں کرے سوہنیاں
کہیاں من موہنیاں
ہس ہس بولدا
نکے نکے بُلاں وچوں رس پیا ڈولدا

مائے فی کی دساں ڈاہڈا مٹھڑا زبان دا
منڈا میرے ہاں دا



زرویں بھانڈے والا مائے
آپے واہے آپے کھائے
او بختے نہ اڑیکا کوئی سس تے ننان دا
منڈا میرے ہاں دا
مائے مینوں چا او ہدی منگ انخوان دا
منڈا میرے ہاں دا

منہ چست لگدا تے نالے خاندان دا



”جھوٹھیا جہان دیا“

جسبہ دیا کچیا

کیتا قول مار یو ای

میرا اکھ مار یو ای

چھڑیا ای مینوں کسے پاسے وی نہ جان جوگا

کسے نہ جہان جو گکا

ہاں دریاں کٹیاں نول موخہ دکھایاں جو گکا

تیرے پچھے جھلیاں میں سب بدنامیاں

گھر دیاں جھڑکاں

اج مینوں پتہ لگا

دودھ دے بھلیکھے میں تاں پانی پی رڑکاں

جھوٹیا جہان دیا

تیرے آکھے لگ کے میں

موٹھوں آپ بول کے تے ماپیاں دی منگ چھڈی

اوہناں دی میں جیہہ دڈھی

گھوڑی اتے چڑھ بیٹھوں شرم نہ آئی تینوں

ہن دے جو اب مینوں

ساڑے نالوں وڈا کوئی جھگا و نہی دیکھ مہلوں
زرویں بھانڈے دلوں اسیں کے نالوں گھٹ نہیں سا

اسیں کیڑے جٹ نہیں ساں
تھک کے تے چٹیوای

رب کو لوں پائیں
شالا اگے آوی اپنے امی
جیہا سانوں پیوای



”دوبتیاں“

مشر بہمن وید نہ جانن روگ اسادے گُجھے
گجھیاں لگیاں ہونیاں نوں کوئی لگیاں والا بکھے
جس بے ترس نے اگے مینوں اتھتوں تیک پچھلا
پٹھی مت والا دل دکھو فیر او سے دل ہُجھے

چن چڑھے نہیں گُجھے رہندے کدی لکدی ڈھٹی نہ یاری
ہُتے چار چو فیرے رُپے جد کھڑ پئی پھل کیاری
سہتی کوہوں کھٹے میرے نہ کراہیڈے پرے
داسنھے نال یرانا تیرا جانے خلقت ساری

”گاماں“

گامے دلوں کنی واری تک کے تے سوچاں اں
ہاسے تے بھیرے اوہرے کیڑے کھوہ لیہہ گئے
کیڑی جوہ رہ گئے

اوہ سدا پھل مار کھڑیا ای رہندا سی
ہس ہس ڈھڈی پیراں پنڈیاں اوہ جتھے جھٹ بند
مضلاں دی جان سی

بجناں واماں سی

گلاں انج کہ داسی ٹھنڈ پادینداسی

دوستماں دے ساہیں ساہ لینداسی

اج اوہنوں تک کے تے دل کنب جاندا اے

وناں مچ گاماں تے پچھانیاں نہ جاندا اے

ہنے نوں اج وہی اوہ مل کے تے ہندا اے

اج پرہاسا اوہدا آپے پیادسا اے

ایہہ کسے بھوس ہوئے پھل والا ہاسا اے

اکھاں جنہاں مچ کہے زندگی دی جان سی

چمک جیتی چمک سی تے مستیاں دی کان سی

ہن اوہ اجاڑتے ویران بیابان نے

اکھاں نے کہ ہنجو بنیاں سدھراں دے کوئی گستان نے

اج دیاں دھندیاں بھیریاں دی سنگھی نو نہ دتا اے
کل دیاں فکر اں نے
ہاسیاں دا ہو پی لیتا اے

بنضاں چ رت دی اوہ پہلی جیہی ٹور نہیں
رنگ دے تھکینو یاں دا ٹور جیہی ٹور نہیں
وختاں نے اج اوہنوں جوڑ پالئے نے
اکو واری سراتے بھار آپے نے
گاماں ہن گاماں نہیں ہن مزدور اے
ہن اوہ دہلکاں دی نگر می توں دور اے
ٹوکیاں ڈھویاں ہاسے آپ مک جاندے نے
کنڈتے پلانے آکے ٹیٹنے بھلا ندے نے

ایہ اک گاماں ایس ورگے ہزاراں نے
 کھدے پئے بتیاں تے کرے وغیراں نے
 سوچنا ہاں زندگی دی ایہ کوئی شان نہیں
 کم بچھوں دیل بھلا منگے کیڑی جان نہیں
 کم کو لوں دنیا تے کوئی نہیں نسدا
 کماں دے سہارے جگ دے پیاد سدا
 کم نہیں کم جیہڑا رت امی رکا دے
 کم کرن دایاں داد مضدا امی مرکا دے



آکھدے نے اوہی دیلا اک دن آونا ایس
 کماں داخل جدول اسخ نہیں پونا ایس

ہر ویلے جدوں کسے بیڑیا نہ رہنا اے
 کسے ویلے سکھ داوی ساہ لین بہنا اے
 ڈھڈاں دے جدوں اینے وخت نہ ہون دے
 زندگی دے میلے پتے جدوں لوک دھون دے
 جدوں ایستھے نت نویں جو ترے نہ رہن دے
 ہایاں دے ڈھگے جھٹ دھون کڈھ لین دے
 محضال دا ہونا اودوں گامیاں سنگار اے
 اج اوہ وچارا بھانویں جانوں او ازار اے



”امن لمی“

اے اساں امن لمی بڑا کج کرنا ایں

اے تساں کو ریا دے وچ کی تکیا

اے اساں کئی تھانواں کو ریا بنائیاں

اے اسیں کئی تھانویں لائیاں بھجائیاں

زرویاں دے طبق اے کئی اساں ساڑنے

اے اساں کئی ہیر و شیمے نے اجاڑنے

اے گھٹ اساں خورے کیناں دا بھرنا ایں

اے اساں امن لمی بڑا کج کرنا ایں

ٹینکاں نال اے اساں زرویاں نے واہنیاں

واہ کے تے فیرا جے کیس سیئاں لائیاں
 پائیاں وہی تھاں لہو نال نے پیائیاں
 امن دیاں سوکھیاں نہ فصللاں اگائیاں
 گوڈیاں دے درج رنبہ کیئاں اتے دھرنا ایس
 اے اساں امن لمی بڑا کج کرنا ایس
 جنگ دیاں ڈھولیاں توں سوڑیاں نہ پیاجے
 اساں بٹہ بولیاں توں سوڑیاں نہ پیاجے
 بمب دیاں گولیاں توں سوڑیاں نہ پیاجے
 کھنڈراں تے کھولیاں توں سوڑیاں نہ پیاجے
 امن دیاں بیڑیاں نے ڈب کے امی تہنا ایس
 اے اساں امن لمی بڑا کج کرنا ایس !!

”پینڈے“

ہاڑوے دھاڑے نے تے تھلاں دی دو پہر اے
واٹے واٹے کتے اک راہی پیا جاندا اے
گرمی تے لو بُری باب پے کر دے نے
پیر جتھے دھردا اے کوسدے تے سُر دے نے
دودھ کے تر اے نالوں زرویں تپی ہوئی اے

نیڑے نیڑے کتے کوئی رکھ نہیں دے سدا
 اپنے تے اپنا پچھاواں نہیں دے سدا
 او بھی سگول او ہدے کو لوں پشاں پشاں رہندا اے
 اوس دے امی او ہلے پیالک لک بہندا اے
 رب جلنے کون اے تے کیڑی تھاوں آیا اے
 کسے رنگپور ولوں کیڑیاں نوں دھایا اے
 یاں کوئی بتی وغیار پیالک دھدا اے
 ویلے سرچنے نوں پنڈھ پیالک دھدا اے
 خورے کیڑے دھتاں نوں ایس ویلے پھڑیا اے
 ایہو اجیہے وچ جیہڑا پنڈیاں وچ دڑیا اے
 ڈوہنگا ذرا سوچے تے اسی او ہدے نال دے

پینڈیاں دے وچ پئے عمراں نوں گال دے
 پینڈے جنہاں پتہ نہیں کدوں کدے مکینیں
 کدوں جا کے وختاں دے مڑھکے نے سکینیں
 خورے کدوں سکھاں والا کوٹ کتے و سنا ایں
 منزلاں نے خورے کدوں ساڈے اتے و سنا ایں
 ابے تے نے ہتھوں دور دور پیاں ہونڈیاں
 پیراں ویاں چھالیاں نوں سولاں پیاں ٹوہنڈیاں
 داماں نے ابے خورے کنیاں لمیریاں
 اک کے تے کئیں ڈھاندے جانڈے پے ڈھیریاں



”پانی بھرن نہاریاں“

پانی بھرن نہاریاں تے ونوون گھڑے
بھریا اس دا جانے جس دا تور طرے
او ہوا لچ چر کلی او ہوا کھوہ دا گھیر
اک بھنے اک بھلے ایہ لکھاں دا پھیر

لیکھاں دی سب کھیڈ ہے جڈں ایہ منڈے
 لکھاں گھڑ سیانیاں بھنن اوہ وچکار
 بگھنے گھٹ گھٹ بنیاں تے نوں لیاں لہج
 جدا بھنا لکھیا اس دا جاندا بھج
 اس دی ڈھاک اج سکھنی جس نے بھراگل
 اچ اوہ مور کھ بن گئی کل جس نوں سی دل
 تکیاں مان کر نیدیاں اسان گھاگے تہ پھڑے
 پانی بھرن پنہاریاں تے ونو ون گھڑے



”کال بولے“

اج کانگ بنیرے تے بولے
پئے جھٹے جھٹے کن وجدے نے
اکھیاں دے دیڑے سجدے نے
دل وچ پئی پونی پھر دی اسے

ساہنوں تاہنگ اڈیک تے چردی اے
 اکھ بڑے دچ امی رہندی اے
 پیئی جھٹے جھٹے سوہ لیندی اے
 ایہ جد دے چندرے دجے نے
 ہوٹھاں تے چندرے دجے نے
 کی بار بے کوئی آکھوئے
 اج کانگ بنیرے تے بولے



“کیوں بولے

کیوں کانگ بنیرے تے بولے

کوئی دسے ایہ کی آہندا اے

کیوں ہورکتے نہ جاندا اے

پیا اینویں کال کال کردا اے

سر جھوٹھے دین ایہ دھردا اے

نہیں اڈوا پیا اڈایاں وی

پیا بھلے راہے پایاں وی

اس ویرے کس نے آؤنا ایس

کس ایتھے پھیرا پاؤنا ایس

توں کانواں کاں کاں کر کر کے

پیا اینویں جی ترسانا ایس

نہ بہہ توں ایس بنیرے تے

کے ہو ردے کوٹھے بہہ جا کے

کر نیکی ایہ اک میرے تے

کے ہو ردوں کہنیاں کہہ جا کے

میرا جی نمنا مڑو لے

کیوں کانگ بنیرے تے بولے !



”مسافر“

تیرا پنڈا پوری قوت دی تیری لغراں ورگی بانہ !
تیرے بل نے پھل کر دے تیرا جو بن دن دی چھال
ایہ چھانواں سدانہ رہندیاں رہ جائے پکھے ناں
اسی رب سبھی گوریے اج آگئے ایس گراں

اساں جھٹ دو پہر گزارنی اساں بہتاں نہیں ٹپاں
اساں پنڈ نہ پانے جو گیاں اساں مل نہ بہنی تھیں
کس پکے پاکے بیٹھنا ایہ دنیا اک سرائ
تیرے جو بن وانگوں گوریے اسی کل مسافر ہاں !

”گوریا“

توں بلکھا اکھیں نُٹ لے تے ساہ میرے منگ
ہن دل کڈھ جیون جو گیا تے اینویں نہ پیا سنگ
ابہ دُھروے لیکھ نچایاں کی اوہناں نال جنگ
تیرے لیکھاں دے نال گوریا دیا دے لیکھیں رنگ



اوہ بلد اسندے جانو دے جیہڑے پھلیاں دگوچ ہوں
 جگ داسراو نہاں می گاوند جیہڑے تار می بن کے بھوں
 کھر کچے ہو ہو جان پیے پر ذرا نہ سوڑے پوہن
 توں مچ شریکاں گوریا وگ اچی رکھ کے دھون



ایناں پسیاں وچوں بنیا تیرے بھاوا سکاجھوہ
 جٹ بھرے بھڑو لے اپنے تے دانے لے جائے ڈھو
 ایہ گل دراد می جانو دی ایہ گل نہ اڑیا چھوہ
 اس گلے خلق خدا دی بنت گجھ گھٹنی ہو



کس دین بیج وڑیوں گوریاتوں اوکھا لگنا پار
 لکھ خداں اڑیاں کر رہے تے اوڑک بیٹھے ہار
 ایتھے نتھاں کھوپے چڑیاں تے کھمے کرن بزار
 توں وگ رضا بیوں خصم دی تے دم نہ اکا مار



ایہ گل نہیں جے بھانودی تاں اپنا آپ دکھا
 انج اڑجے بھن پنجا لیاں تے نتھاں لے تڑا
 جٹ فیرنہ نیڑے آونا جے لینی سو چھڑ کھا
 اج دنیا دے وچ گوریا ڈاہڑے دے دل خدا



”چانیاں راتاں وچ“

چانیاں راتاں وچ آؤندا خیال اے
رب ساڈا ساڈے اتے بڑا می میال اے
چانے تے ٹھنڈ نوں نہ کوئی میل سکدا
اک بک کر کے اوہ انج ڈوہل دیندا اے
ٹھنڈے ٹھنڈے نوروالا سو ما کھول دیندا اے
وڈاوی نہال اے تے چھوٹا دی نہال اے

کچے کچے کوٹھیاں تے اُنجے نور و سدا
 اچیاں چباریاں تے حس طراں رسدا
 بھکھیاں دے وہڑیاں توں ذرا نہیں سنگدا
 باڑیاں دے گھراں نوں ولا کے نہیں لنگھدا
 اپنیاں رشناں وامل نہیں منگدا
 جتھے جیہڑا جاوے او تھے چن اوہدے نال اے



ہاٹھاں کدے زوایاں نوں سنگھ کے نہ دسیاں
 رسیاں دی پیلی کوئوں پراں نہیں نسیاں
 ڈاہڈیاں نہ کھچ لیاں پاپا رسیاں
 اکو جیہاں سب دریاں اوہناں نے پیالیاں

سُون وِچ بھرتے ٹوئے بٹے کھالیاں
فضلاں اگالیاں مڑپالاں دیاں پالیاں
وٹے وچ منگیا نہ کسے توں روالاں اے

کرناں دی کیتیاں نہ دنڈاں کتے کانیاں
پھلّاں اتے دکھریاں نہیں مہربانیاں
مٹی نوں دی چمدیاں نور دیاں رانیاں
جس طراں چوہدری مے پنڈے نوں سُخانڈیاں
اوسے طراں واک نوں دی شگھ نے پچانڈیاں
تولواں سلوک دا ہوا سبھناں دے نال اے

رب نے وی زوئیں تے ایہ سانجھی امی بنائی سی
 کسے اک ٹاہری دے ناں نہیں لائی سی
 بندیاں نے کرلمی جوئیں جی آئی سی
 اوس دازوال انج دنیا نے پایا اے
 زندگی دے رولیاں چ فرق نہیں آیا اے
 اوہوا بوڑی کھوتی اوہوا رام ویال اے



ایہ میری ونڈ اے تے اوہ تیری ونڈ اے
 میری تیری ونڈ اتوں پایا ہو یا بھنڈ اے
 اپنا امی موٹھ اے تے اپنی امی چنڈ اے
 چنڈاں مار مار موٹھ کیتا پیا لال اے

اوہ دے سانجھے دتیاں نوں سانجھیاں نہ جان دے
 نعمتاں بے ملیاں دا اُمل پے پاہن دے
 راج کھان دہین دے نہ آپ راج کھان دے
 بھانویں تھلے آؤن کندھ دو جیاں دی ڈھان دے
 کرنی سو مہنی دنیا تے کیڈا بھیڑا حال اے
 چاننیاں راتماں وچ آؤندا خیال اے !!



”ویرتوں کنجاہ دا ایں“

ویرتوں کنجاہ دا ایں
تیراناں شریف اے
اگے امی میں آکھدی ساں لگداتے اوہو اے
اج کیہا نیک دہاڑا اے
رب نے بھرا میل دتا اے

منڈیا ایہ تک تیرا ماں اے

مینوں توں سنجائیاں نہ ہووے دا
کدے نیکے ہوندے اسیں رل کے تے کھنڈوے سال
میرا ناں نیا متے دے

مہر نور دین دی میں دو بہتری آں
ملدیاں دے ساک نے تے واہندیاں دے کھوہ نے
کدے دربار دا اتھے جا کے رہ آوی واسی
اج اوہناں تھانواں نوں وی دیکھنے نوں سہکدی آں
میرے اتوں پتہ امی جے مانی ساڈے نال افسوس لے
ویر دس اہدے وچ میرا کی قصورہ سی؟
نانکیاں نالوں مینوں اگے تھال کیٹری سی

باپیاں دے اگے پردھیاں نہیں بولدیاں
 وجے ہوئے شرماں دے جند دے نہ کھولدیاں
 اوہناں نوں وی جمیاں توں اگے شے کیہڑی اے
 اوہناں دا اوہ برا کدے منگ نہیں سکدے
 تھڑاں دے دھرمیاں چ تلک انج پی دا اے
 اکھیاں پیو نوں جدوں مار دے گیاں سن
 دکھاں دیاں ساڈے اتے وائیں جھل پیاں سن
 نانکے وی کنی کھسکان لگ پے سن
 تک کے تے

کھڑن دی تھانویں مرجھان لگ پے سن
 اسی کچی آوی ساں تے اک پی بھج دی سی

اوس ویلے جدوں کوئی گل دی نہ سمجھدی سی
ہر شے چھڈ گئی

ایس دے پو میرے پیو دی بانہہ نہ لئی

مرن لگا ایس نوں زبان اوہ دے گیا

ٹھیک اے جے میرا اوہدا عمر وچ مان نہیں

پر ویرا آپ توں سیانا ایں

جیہڑی دھی نوں باپیاں دی کیتی دی پہچان نہیں

اوہ بھئی انسان نہیں

میں تے لے کے بہہ گئی ساں ایس خیال نوں

باغ لانی سوکھن دے پیتے ہوئے دودھ دے ہنگال نوں

رب میرا صبر قبول کرتا اے

مینوں ایہ چن جیہا پتہ دے دتا اے
 لے فیڑ میں تے ہن ایتھے کہہ بہنا اے
 تمھیں کی ہو یا اج ایتھے کہہ بہو خاں
 اک رات بھلی ہوئی بھین دے دی کول چل رہو خاں
 بچھا جگ جیوندیاں دیے میل نے
 میرے دلوں سبھناں نوں بہت بہت پچھنا!



”سکھتے مجھیاں“

دن کسے جاگو میٹی نار ٹیٹار وانگ

کالے کالے بدلی دوپٹے وچوں تک کے
ٹھنڈی ٹھنڈی وا دیاں لوریاں چ آکے

مڑلمی تاننے دے آہراں وچہ پیاسی
ہاڑدی اخیر سی تے سونی والا انگ لگ رہیاسی
بدل انج ٹلے ولوں اٹھ پایا گجدا

جویں باننا تھہ کولوں

رانجھا جوگ لے کے تے ناد و جاوند آوے

پنڈوں مکھیرا اینویں پھردیاں ٹردیاں

میں جدوں سیم والے چھڑتے پھیا
 بگلے کی تگناں جسے انت شمار نہیں
 کالے کالے بدلاں دے اگے پئے اڈوے
 چٹے چٹے کھمباں نال کڈے سوہنے لگدے
 پولی پیریں واپی پائیاں نوں سنگدہی
 بنے اتے اگیاں بروٹیاں نوں سنگدہی
 مچھیاں پتال وچوں اوسدہی امیدتے
 ایخ اتناں آؤندیاں ساہ پیاں لیندیاں
 چک وچوں ہون جویں ناراں پیاں وہندیاں
 پھٹے ہوئے پنڈوے منڈیکے دانگ بگلے
 سدھڑاں بھول جیہاں مچھیاں نوں تاڑوے

کدے ایس دندے کدے ادس پے جاؤندے نے



آدمی خیال دی نیائس اے

سوچ دی ہمار کسے ہو رہا سے مڑ گئی

کیسی راس ہاریے نے راس رچانی اے

اپنا ہی بکراتے آپ قصائی اے

پانیاں نوں آپ کرھے سیم بناندا اے

فیر ایس سیم وچ مچھیاں تراندا اے

ایس طراں بگلے نوں رزق اڑاندا اے

بگلے دی تیرے نے تے مچھیاں دی تیریاں

گھلاں نے ایہ رہا ساڈی سمجھ توں اچیریا

”تیرا پنڈ“

اچ اوکس پنڈ دے میں کو لوں لنگھ چلیاں
 جھتوں کہدے ہلنے تے دل نہیں سی کردا
 جھتے مینوں نت پیار ہندا کوئی کم سی
 کم کی سی — سچی گل اے جھتے تیرا دم سی
 تیرے دم نال پنڈ جج والی تھاں سی
 کیڈا سوہنا ناں سی

اوہداناں سندیاں امی جان پے جاندی سی
 وید اوہدی اکیھاں نوں ٹھنڈا پٹہ اندی سی

دوروں رکھ تک بکے تھکینوے کہ جانے سن
 با نہیں مار مار کے ادھ انج پے بلانے سن
 سورگ واسواد آوے جہاں پیٹھ کھلیاں
 اج اوہناں رکھاں دے میں کولوں لنگھ چلیاں
 اج میرے پیراں نوں نہ کھج کوئی ہوندمی اسے
 پنڈ ولوں آئی واپنڈے نوں نہ پوہندمی اسے
 کسے دیاں چاواں میرا راہ نہیں ڈکیا
 کوٹھے اتے چڑھ کے تے کسے نہیں تکیا
 لگداں دے اوہنے ہو کے سب تول اکلیاں
 اج انج پنڈ دے میں کولوں لنگھ چلیاں
 جویں کوئی کسے گستان کولوں لنگھدائے !

”یقینوں یاد کراں“

کھلیاں میں بہ کے لواں نرت تیراناں

یقینوں یاد کراں

ٹھنڈی ٹھنڈی فخر دی واجدوں و گدی

رات دی تریل وچ بھجی ہوئی لگدی

چن نماں ہو جاوے

پھکی پے جاوے جدوں تاریاں دی چھاں

کلیاں میں بہ کے لواں نت تیراناں

تینوں یاد کراں

کسے نوں نہ دسیا میں تینوں دی نہ دسیا

جیٹریاں میں کھوبیاں تے جھنناں چ پھسیا

تیری ابرو واسے

ہوٹھاں اتے آنیاں ہوئیاں گلاں پرتاں

کلیاں میں بہ کے لواں نت تیراناں

تینوں یاد کراں

اج تائیں دل دے دی ناں نہیں کیتیاں

جو جو پیاں بیتیاں

گھٹ گھٹ رکھیاں تے وجود چ بیتیاں

حوصلہ نہ پیندا اے جے کے نوں سناں

کلیاں میں بہ کے لواں نت تیرا ناں

تینوں یاد کراں

سوڑ کھا کے کدے ہو کے ڈاہڑا مجبور میں

کیتا اے تے ایناں پیا کیتا اے ضرور میں

اوہلے اکوانجے ہو کے سبھناں توں دور میں

کاغذ اتے ناں تیرا لکھ کے تے چم لال

کلیاں میں بہ کے لواں نت تیرا ناں

تینوں یاد کراں

ربِ بناں کد کسے دل دیاں بھیاں
 بجھے مڑ کوں کوئی میراں ایہ گھیاں
 رو رو جدی یاد دوج اکھیاں نے سُجیاں
 سمجھ نہ آوے اوہنوں لگن جتاں
 کلیاں میں بہ کے لواں نت تیرا ناں
 تینوں یاد کراں !!



”بخت نہ وکدے مل دے“

رنگارنگ نے کیا دے پھل دے
کرے بخت نہ وکدے مل دے
لیندے امی خرید نہیں تال جی دے مانیا
کرے تے کرے کی دے مانیا
اچی کرن نہ دیندے نے سی دے مانیا
بھوچند رے نے پندے دھ دے

ہمتہ اپنے چ اپنی ڈور نہیں
جدے ہمتہ وچ اس تے زور نہیں
لکھی دھردی تے ہوندی ہو نہیں
لکھ ہفتے پے گھل گھل وے

مٹی دھوئی کے چک چھیرے
کے دگ سیالاں دے پھیرے
جدول بخت نہ ہون چن گیرے
راہ نیسیاں جانڈیاں بھل وے
کرے بخت نہ وکدے مل وے !!



کنجاہ د اشریف

مردم شہاری کمیشن جے پاکستانیاں دے ناواں تے عمراں دی فہرست تیار کرے
تاں پتہ لگے گا کہ کچھلے تریہ سالوں وچ باپاں نے اپنے پتراں دے جہڑے نال
رکھے نے اوہناں وچ شریف بہت گھٹ نے بلکہ نہ ہون دے بہ ابراہیم جے
کے تریہ سالوں توں گھٹ عمر دے واناں محمد شریف ہودے گا تاں اوہ کے پندے
کچے کوٹھے وچ کسے بڈھی دانی نے جایا ہودے گا۔ ہولی فیلی انگلکارام یا میوہسپتال
مے پرائیویٹ وارڈواں وچ کوئی شریف نہیں جایا ہودے گا۔

میں شریفیاں مے ایس گھلے دیاں وودو جہاں موچ نیکیاں پہلی وجہ تاں ایہ ہو
سکدی اے کہ باپاں دا خیال اے کہ ناں بچے دی زندگی تے اثر کردا اے تے شریف نال
وہ بچہ بہت شریف ہودے گا تے شریفیاں نال دنیا جو سلوک کردی اے اوہ کوئی ماں
یا پوئے اپنے بچے نال ہوندیاں دیکھ نہیں سکدا۔

دوبی وجہ ایہ دے کہ کلھن وچ آگیا اے کہ محمد شریف نال مے بچے یا جوان
جدول پڑھ لکھ کے شہراں وچ اڑے نے تے شریف نہیں رہندے۔ سگوں نسیم جہڑی
بن جانے نے۔ شاد امرتسری اکھواندے نیں۔ مشتاق اسلام آبادی مے نال نال
جانے نے۔ ثمر جان دھری مشہور ہوندے نیں۔

محمد شریف کنجاہی پڑھ لکھ کے تے دو داری اہم کر کے دی شریف کنجاہی ای رہیا ایم ایس کنجاہی تک
نہیں بنیا۔ اہم دیاں وی دو دجہاں نیں۔ پہلی وجہ شریف تے دو جی کنجاہی۔

محمد شریف نوں اپنے بے جی نال بڑا پیاری۔ اوہنے اپنے بے جی دا اکھیا کدے نہیں
موڑیا سی۔ تے محمد شریف وی اوہدے بے جی دا اکھیا سی۔ ایس اکھ نوں کس طرح موڑوا
تے کیوں موڑوا۔ اپنے بے جی دے موہنوں نکلے ہوئے ناں نال اوہنے پیار کیتا۔ ایس
ناں دی بچ فوں پالیتے اپنی ناست دا اک اٹھ حصہ بنالیا۔

محمد شریف اپنے بزرگاں دا سودی عرب نال رشتہ جوڑ کے شریف جھازی، شریف
مدنی یا شریف مکی وی بن سکداسی۔ ضلع گجرات دی رعایت نال گجراتی وی ہو سکداسی۔ پر
اوہ کنجاہ داسی۔ ایس پاروں غنیمت کنجاہی وانگوں کنجاہی ای رہیا۔ غنیمت کنجاہی ناں غارسی
وے شاعر تے عالم سن۔ اک روایت اے کہ جے اوہناں نوں دھموڑی دا ڈنگ پنجابی زبان وچ
گاہل کدھن تے مجبور نہ کرداتے ایرانیاں نے اوہناں نوں ایرانی من لینا سی۔ پر شریف
کنجاہی نوں پنجابی زبان وچ شعر کہن تے کسے دھموڑی دے ڈنگ نے مجبور نہیں سی کیتا
کنجاہ نے مجبور کیتا سی۔ جتھے مانواں اپنے بچیاں نوں پنجابی زبان وچ لوری دیندیاں نیں تے
دھیال اپنے پودے جنازے تے پنجابی زبان وچ دین کردیاں نیں۔ ایران دا شہری بن دا شوق
ہووے یا پرشین آئل کپنی وچ نوکری کرنی ہووے تے وکھری گل اسے پر جے شاعری کرنی
ہووے تے ناں اوہ صرف جذبے دی زبان وچ ہو سکدی اے۔ اوہ جذبہ جیڑا لوری دے
بولاں وچ نیندر گھول دیندا اے تے دین دیاں چیرکال دے راہیں کیجے نوں رگ بھر دا اے۔ لوری

تھے دین توں اچی کھڑی شاعری ہووے گی۔

مینوں پنجابی شاعر شریف کنجاہی دی شخصیت دے بارے مضمون پڑھن دی دعوت
 دتی گئی اسی پر میں سوچ نہ میاں جے کسے نوں پنجابی شاعر مں یا جائے تے فیروادہ کی شخصیت
 تے شاعری نوں نکھڑا کیوں جاسکدا اے۔ شریف کنجاہی دی شخصیت تے شاعری وی کجھ ایوں
 آپس وچ گڈ بگڑ ہو گئی کہ کچھ صرف شریف کنجاہی ای رہ گیا اے۔ جیڑا شاعر اے شخصیت
 نہیں بنا لیا۔ پرانے سیانے کندے مں شخصیت شرافت نال بندی اے۔ نویں سیانے
 کندے مں شخصیت سکینڈا ل نال بندی اے۔ شریف کنجاہی دی زندگی وچ کوئی سکینڈا
 نہیں شخصیت کھتوں آوے گی۔

بادشاہواں مے زمانے وچ جددول بادشاہی دے مرکز صرف بادشاہواں دے
 آباہر کیئے ہوئے شہر ہوندے مں حکومتاں مے۔ سارے سکھ ادھماں شہراں دیاں چار دیواریاں
 دے وچ کھٹے کردتے جانڈے مں۔ تے پنڈاں تھانواں نال صرف مالیہ وصولی کرن
 لئی تعلق رکھیا جاندا اے۔ ادھماں راتعلق شہراں نال اونماں ای ہندا اے جہاں کے آقا
 دا غلام نال ہوندا اے۔ شہریاں تے پنڈاں وال دا ایہ تعلق انگریزاں دے زمانے وچ وی
 قائم رہے میانے آج دی کسے نہ کسے صورت وچ قائم اے۔ نویں پنجابی ادب دی وی
 ایہ حالت اے۔ جو رہنما شاعران نے کالج دے منڈیاں نوں اپنا قاری سمجھیا۔ پنج
 ای پنجابی شاعران نے سمجھا کہ سانوں داودین والے پنڈاں وچ بیٹھے ہوئے نے۔ سر جو
 دیاں پھلاں، ترنخاناں، اٹھڑٹیاں، چھین چھوت تے مہے، ڈھولے دادا کر کے

اسی دادوی صورت وچ پنڈاں تھانواں توں مالیہ وصول کر سکے آں پیر تہہ جے ہویا کی؟
 باقی صدیقی کل لال پلایا ہو گیا۔ کہن لگا۔ منو! بھائی توں بکو اس کرنا ایں۔ لوک گیت سب
 بکو اس میں۔ لوک کہانیاں سب فضول میں۔ اپنے پنڈوی اک ٹیار نے باقی صدیقی نوں
 دسیا کہ کل تساں ریڈیو توں جیٹر اگیت گوا یا سی مدت ہوئی اوس پنڈ دیاں کرٹیاں
 اوہ بھل گیاں ہویاں۔ شادی دیاہ دے جیٹرے گیت تساں سنائے نہیں اوہ شاید
 انڈونیشیا دے پنڈاں وچ گائے جانڈے ہون گے۔ اسی تاں دیا ہواں تے فلمی
 تو الیاں گاوندیاں آں۔ تے نلے ہو رگل دی تھانوں دس دیاں۔ پنڈ دیاں کرٹیاں
 دیہاتی پروگرام نہیں سن دیاں۔ جے اونہاں دے ویاہ شہراں وچ ہوئے تاں فیر
 خورے کدی کدی سن لیا کرن۔ باقی صدیقی دیاں اکجھاں وچ اختر و آگے تے کہن
 لگا۔ ”میں ریڈیو دی نوکری چھڈ دیاں لگا۔“

پہیں سوچدا آں باقی صدیقی نہ ریڈیو دی نوکری چھڈ کے کی کرے گا۔ اپنی
 بھنوں واسطے کھڈونے خرید لئی اونہوں نوکری کرنی پے گی تے ریڈیو سنس وایاں
 نوں کھڈونے کھڈانے میں گے۔ باقی صدیقی ہن سمجھا اے پر شریف کنجاہی نوں شریع
 توں تہہ سی کہ اوہ دے شہر صرف اوہ زانی سمجھ سکدی اے۔ جیہڑی پچھدی ملے
 دیر توں کنجاہ وایاں ؟

تیرا ناں شریف اے ؟

شہراں تے پنڈاں دا بادشاہواں تے رعایا والا پرانا تعلق صرف بنیادی جمہوری

نظام ترور سکدا ہے۔ پر پولیس ذہنیت دی افشر شاہی اس نظام نوں کامیاب نہیں ہون دے گی
 پروفیسر اشفاق علی خاں واجہاں نوں پاکستانی دانشوراں واسٹیل پلانٹ وی کندے نے
 ایہو خیال اے کہ ملک واسٹیل طبقہ ساریاں خرابیاں دی جوڑھ لے۔ ایہو کھری گل اے کہ پٹی
 دی اک محفل وچ افشر شاہی نظام دیاں خرابیاں بیان کرن توں دھ گھنٹہ گزروں اوہناں شریف
 کنجاہی ہے بائے اپنے اک تہاگہ دونوں دسیا کہ بھئی ٹھیک اے۔ شریف بڑا شریف آدمی اے
 بڑا چنگا ستاد اے۔ بڑا قابل وی اے پراونہوں ماڈرن رہن سہن واسطہ نہیں۔ نہرودے اس
 گل واسطہ ضرور ہووے گا کہ فی البدیہہ تقریریں کرن والیاں کول موضوع دے حق وچ دی
 سونہیاں دلیاں ہندیاں نے۔ جنیاں موضوع دے خلاف۔ تے سٹیل پلانٹ لال واسطے
 بڑے سر ملے دی لوڑ ہوندی اے۔ اوہنوں پتہ اے کہ ویسی کپڑے پان مال شخصیت
 بندی نہیں خراب ہوندی اے۔ تے شخصیت بنا کے ویسی کپڑے پان مال شخصیت
 ودھدی اے۔ شریف کنجاہی شریف تے سادہ ضرور اے نالائق نہیں۔

نالائق توں مینوں منظور عارف دی بچی یاد آگئی اے۔

ہستانی پچیاں نوں اپنے والدین دا تعارف کران واسطے چکی تے اوہنے ہر بچی
 نوں واری واری اپنے والد تعارف کران دی دعوت دتی۔ منظور عارف دی بچی واری آئی تے
 اوہنے کہیا۔ میرے والدہ انماں شیخ منظور الہی عارف ملے۔ اور راولپنڈی جیمپراف کامرس
 دے سکڑی تے اردو دے بڑے مشہور شاعرین فیروز ٹوٹی دی راجد بولا۔ پنجابی وچ دی شاعر
 کردے نہیں۔ پراونہوں وچ ذرا نالائق تیں۔

بچی نے اپنے باپ کی قابلیت و اندازہ ادبی مشہوری توں لایا۔ ساڈے اچھے اور
 واقاری وی ایو کج کندا اے۔ میں جدوں سکولے پڑھاں اسان نے میرا خیال سی کہ جیڑے منڈا
 وابستہ ساریاں کو لوں بھارا ہووے گا۔ اوہ ساریاں کو لوں قابل نے لائق ہووے گا۔ میرا بستہ
 ساریاں منڈیاں کو لوں دوتا تے بھارا ہندا اسی۔ اوہرے وچ ادب لطیف، ساقی تے نیرنگ
 خیال دے ساندے بھر لیندا اراں۔ بھارا بستہ چک چک کے زمین قابل ہو یا نہ صحت نبی۔ صرف ایہ
 ڈرہ گیا کہ جماعتی منڈے ماسٹر یا والد صاحب بستہ کھول کے نہ دیکھ لین۔ ایڈر مینوں اچھے وی آ
 عارف دی گچی نے پنجابی ادب وابستہ ہو لاو دیکھیا تاں سمجھا کہ پنجابی لکھن والے نالائق
 نیں۔ امیدے مقابلے وچ اردو رسالیاں والی الماری رنگ بنگیاں جلد اں نال سچی ہوئی
 اے۔ اوہرے والد وی جیڑے اردو رسالے وچ نظم چھپی اے اوہی جلد کر لیندے
 نیں۔ تے امرور پنجابی ادب تے پنجدریا وچ چھپیاں ہوئیاں پنجابی نظماں لبید نال کٹ کے
 کوٹ دے بوبھے وچ پا چھڈوے نے۔ اکثر نظماں کوٹ دے نال ڈرائی لکھن ہو جاندا یا
 نے۔

شریف کنجاہی کندا اے کہ ہن میرے کو لوں پنجابی نظم لکھن نہیں ہوندی۔ باقی صدیقی
 کندا اے۔ میں پنجابی فیچر لکھنے بند کرتے نیں۔ منظور عارف کندا اے کہ میری بچی عینوں
 نالائق سمجھدی اے تے پڑھن والے کج لائق سمجھن گے۔ فتح محمد ملک کندا اے۔ میں محکمہ
 تعلیم دی ملازمت توں استعفا دے دیاں گا۔ شفقت تنویر مرزا کندا اے کہ مٹی سارے
 نکلے تے بزدل اہ۔ میں سوچا کہ شریف کنجاہی، باقی صدیقی، منظور عارف، فتح محمد ملک تے

شفقت، تنویر، نواز دے مسئلے پنجابی ادب دے مسئلے نے۔ اک دہڑے فتح محمد ملک روپیا
تے کہن لگا۔ اج بی اسے دے اک طالب علم نے میرے کدوں پھیا۔

”سرتی ہر ویلے کج نہ کج پڑھدے رندے اتنے سی ایس پی دے تھاپے وچ
کدوں بیٹھو گے۔ کدرے اوور ایج نہ ہو جاؤ“

فتح محمد اکٹھا اے کہ میں جدد او ہوں دسیا کہ میںوں سی ایس پی ہن دا کوئی
چاہنیں۔ تہ اوہ بڑا حیران ہو یا تے ایج دیکھن لگا جس طرح کسے پاگل نوں دیکھدیا ہو
”تے ساری کمر پچھرائی دیو گے؟ کمال اسے سر“

فتح محمد ملک نے میرے کدوں پھیا۔ ”میں ہن منڈیاں نوں کس طرح پڑھاواں؟
میں کیا جس طرح شریف کنجاہی پڑھا دیا اے۔

میں دی شریف کنجاہی کدوں پڑھیا آں۔ صرف اک دہڑے۔

پیک ہٹی سکول شادیوال وی گل اے۔ میں ہیڈ ماسٹر شریف کنجاہی دے کمر
وچ بیٹھا اوہناں مال مقدمہ شتر شاعری تے گل کر رہیا ساں کہ نماز پڑھن دی گھنٹی بجی
سارے منڈے تے ماسٹر نے ہیڈ ماسٹر دے نماز پڑھن چلے گئے۔ میں کلا دفتر وچ بیٹھا
رہ گیا۔ نمازتوں واپس آ کے شریف کنجاہی نے میںوں آواز نہ پڑھن تے بڑی سخت
ڈانٹ دی تے اک بڑا لمبا لیکچر سنایا۔ ایہ لیکچر میںوں بعد وچ کدرے کدے ٹاسٹائی
دے ناول وچ پڑھن دا موقع ملدا۔ شریف کنجاہی دی ایس تقریر نے میرے ذہن تے دل
وچ مذہب دا اک خاص تصور قائم کیتا۔ جیہڑا اج وی موجود اے۔ ایہ مذہب فی البدیہہ

تقریریں کرن واسے دانش وران دے مذہب توں اکاٹھے الٹے۔ شریف کنجہی دا
 مذہب جبراً غلط اصولاں تے صلح نہیں کر سکدا۔ اچکن لاء کسے کوٹ کیوں پاواں۔ ذاتی مقصد
 لمی اعلیٰ آفاقی اصولاں نوں کیوں قربان کراں۔ پنجابی دی مالالتقی چھڈ کے انگریزی دی یافت
 ثابت کیوں کراں۔ سبے میں پنجابی آں تے فارسی بول کے ایرانی کیویں بن جاواں گا۔
 پنجابی زبان دے لکھن واسے بہت سارے ادیب فرانسیسی ڈرامہ نگار پامیول
 دے سکول ماسٹر ٹوپانڈاگوں اپنی لمبی لمبی کھنگ دے رہیں ایس دھوکے باز دنیا وچ
 اپنی موجودگی دی معافی منگدے پھرے نیں۔ شریف کنجہی اپنے وجود توں شرمسار یا
 معذرت خواہ نہیں۔ سگوں بڑے اعتماد نال زندہ اسے تے کسے نہ کسے صورت
 اپنی زندگی دا ثبوت دینا رہے گا۔

کدی میں شریف کنجہی دے نال تن تن چار چار گھنٹے بیٹھا گلاں کردار ہنراساں
 تے گلاں مکدیاں نہیں سن پر راولپنڈی وچ پنج سال رہن توں بعد بن میں شریف کنجہی
 کول زیادہ چہ نہیں بہ سکدا۔ مینوں اوہدی سادگی تے شرافت کوں ڈر لگدا اسے
 اوہدی بے تکلف تے کھلی دھلی گل کوں خوف انداز اسے۔ اوہدی اچکن میرے
 سوٹ دا مذاق اداوندی تے میری خود اعتمادی ہولی ہولی کھنگن لگ پیندی اسے۔
 تے میں کنڈرا آں شریف کنجہی نوں۔ ماڈرن لوگ دا پتہ نہیں تے لوکی سمجھدے نہ
 شاید پرہے پنجابی ادب نوں ماڈرن لوگ دا پتہ ہوندا تے مہی ایس پی دے مقابلے
 وچ نہ بیٹھدی۔

شروع وچ میں کہہ رہے ہیں کہ شریف کنجاہی نے اپنے بے جی واکھا کدی
 نہیں موڑیا سی۔ ایہ میرے کولوں غلطی ہوئی۔ اصل وچ شریف کنجاہی نے اپنے بے جی
 واکھا موڑیا سی۔ تے پہلی بیوی دی موجودگی وچ ووجا ویاہ کہن توں انکار کردا سی
 بے جی کہندے سن کہ محمد شریف واکوئی پتر نہ جیہا تے خاندان واناں باقی نہیں رہوے گا
 شریف کنجاہی کہیا۔ خاندان میری بچی خالده دے پچیاں دی صورت وچ باقی رہے گا
 اج خالده اپنے نامور والد دی اپنی عزت کردی اے جی شاید ای کوئی دھی اپنے بیو
 دی کردی ہو دے۔ تے شریف خالده ویاں پچیاں وچ بیٹھا بالکل اک بچہ لگدا اے
 شریف واکوئی دشمن نہیں۔ ہر بندہ پہلی ملاقات وچ اوہ د دوست بن جاندا اے
 ہر شاگرد اوہ دی عزت کردا اے۔ صرف اوہ چوراہہ دے کولوں ڈردا اے۔ جنہوں
 میں اپنی خود اعتمادی کہنا آں۔ ایس خود اعتمادی واناں جے محمد شریف ہوندا میں
 اوہنوں منو بجائی دے وچ بدل دیندا۔

منجھائی

(دینجائی گروپ لاہور وچ پڑھیا گیا)



شریف کنجاہی ہوران دی شاعری سادہ ، صاف تے
 رس بھری اے۔ بول صاف تے مدھے نے۔ لفظ اینے
 سادہ نیں جس طرح دو بندے آید وچ گلاں کر رہے
 ہوں۔ اینہاں نے ایڈیاں اڈا زیاں نہیں ماریاں۔ سارے
 کلام وچ کدھرے شاعرانہ مبالغے کولوں کم نہیں
 لیا۔ شعراں وچ مشکل تشبیحاں ، استعارے تے نہ
 سمجھی جان والی کوئی گل نہیں۔ کدھرے ساقی
 شراب ساغر تے صراحی دا ذکر نہیں۔ پیار دی گل
 اک نغمے دے روپ کردے نیں۔ کدھرے کوئی
 تھرتھل لیاؤں والا طوفان نہیں۔ ہجرتے وصال دے
 قصے نہیں۔ انتظار دیاں گھڑیاں نہیں۔ سب دھیاں
 دے پیو تے سب بھیناں دے بھرا معلوم ہوندے نیں۔
 انہاں دی شاعری دے رکھ دیاں جڑاں دیس پنجاب
 دی مٹی وچ ڈوہنگیاں گیاں ہوياں نے۔

— رشیدہ سلیم سیمین

ادارہ اشاعت ادب ، گجرات